

# FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili Timor-Leste/ Mobile Phone +670 77999304/ 77236782/ [forumong.tl@gmail.com](mailto:forumong.tl@gmail.com), [joao.fongtil@gmail.com](mailto:joao.fongtil@gmail.com)/ <https://fongtil.org.tl/>

## RELATÓRIU MONITORIZASAUN VASINA

19-22 Jullu 2021

### Introdusaun:

Forum ONG Timor-Leste kontinua enkoraja membru ONG sira hodi kontinua halo monitorizasaun ba Vasina iha territóriu tomak atu asegura iha retroasaun (feedback) hodi garante prestasaun servisu mak iha kualidade, efikásia no inkluzivu. Asegura comunidade ninia direitu hodi asesu ba informasaun importante husi vasina no asesu ba vasina ho konsiénsia rasik no asegura iha retroasaun ba públiku hodi hasa'e partisipasaun públiku iha vasina hanesan meius hodi kontribui ba prevensaun COVID-19. Rezultadu analiza sira ho apresentasaun pontuasaun ( 1 ladi'ak, 2 Ladún/natoon no 3 kategoria di'ak liu).


Nune'e iha lora 19-22 Jullu 2021, membru Forum ONG Timor-Leste - FONGTIL halo monitorizasaun iha munisipiu 3 hanesan: Dili (Centro Formosa, Centro Saúde Becora no Klínika Maternidade Fatumeta), iha Baucau (Centro Saúde Liamari ho Postu Saúde Uailili), no Munisipiu Aileu (Centro Saúde Lequidoe no Centro Saúde Remexio). Fatin tarjetu sira mak hanesan tuir mai:

No	Organizasaun mak Halo Monitorizasaun	Peskizadór	Munisipiu	Tarjetu Monitorizasaun	Data
1.	Forum Tau Matan (FTM)	Evaristo de Deus	Dili	Centro Saúde Formosa	19-21 Jullu 2021
2.	Juventude Inovativu (JI)	Jacinto Sufa		Klínika Maternidade Fatumeta	19-21 Jullu 2021
3.	Sharis Haburas Comunidade (SHC)	Germinal Neves		Centro Saúde Komunitária Becora	19-21 Jullu 2021
4.	Haforsa Informasaun Saúde (HIS)	Pedro de J. Amaral	Aileu	Centro Saúde Remexio	21 Jullu 2021
5.	Aileu Resources and Training Centre 9ARTC)	Quintão A. Mendonca		Centro Saúde Lequidoe	22 Jullu 2021
6.	Asosiasaun Unidade Feto ba Dezenvolvimentu (AUFDF)	Lourenco Z. pinto	Baucau	Centro Saúde Liamari no Postu Saúde Uailili	21-22 Jullu 2021

## Análize no Deskobertura :

Rezultadu Deskobertura no rekomendasaun sira ne'e, sei iha ligasaun ho deskobremetu no rekomendasaun dahuluk, maibé jerálmente nota katak depois ONG sira halo monitorizasaun iha mudansa lubuk ida ona, liu-liu taxa partisipasaun, porezemplu iha Centro Saúde Komunitade Becora, husi monitorizasaun SHC deskobre katak partisipasaun aumenta, maske nune'e sei iha preokupasaun balun mak kontinua, bazeia ba monitorizasaun durante loron 19-22 Jullu 2021.

Análize jerál hatudu bazeia ba kritériu jerál monitorizasaun nian, konsiénsia no koñesimentu komunitade hodi kumpre regra sira iha fatin vasina sei menus, hanesan distansiamentu sosiál, kuaze valor médiu 1.7, atu garante laiha tranzmisaun iha fatin vasina.



Preokupasaun seluk mak fatin vasina, fatin sira ladún sentru, la assesivél no klood, nune'e laiha espasu livre ba membru komunitade atu halo vasina, aléinde ne'e fasilidade fase liman la completa ho sabaun no menus bee.

Iha parte seluk sei iha preokupasaun nafatin kona-ba konsultasaun ne'ebé lalais de'it no konsultasaun ne'e importante tebes hodi hetan istória moras ema ida-idak nian antes simu vasina, hodi prevene problema depois hetan vasina. Konsultasaun kle'an mós bele sai lisaun di'ak ba ema mak simu vasina hodi konta istória di'ak hodi enkoraja ema seluk, hodi hasa'e taxa partisipasaun iha vasina nomós bele asegura prevensaun pandemia COVID-19 Husi dada lia ho komunitade sira hatete katak ema balun sei kontinua ta'uk atu simu vasina, tanba lia falsu sira iha media sosiál no ema ko'alia husi ibun ba ibun.

Konkluzan ba preokupasaun sira hanesan:

1. Komunitade sei ta'uk atu simu vasina
2. Kompriensaun no konsiénsia komunitade kona-ba prevensaun COVID-19 no informasaun kona-ba vasina.
3. Fatin vasina la assesivél, fatin balun klood, seidak sai sentru ba partisipasaun, sei menus bee no sabaun fase liman iha fatin vasina.
4. Doutór sira halo konsulta liu de'it, la buka hatene istória moras ema ida-idak nian, no tempu observasaun ne'ebé lalais de'it.

**Rekomendasaun Sira :**

1. Presiza buka meius oin-oin inklui servisu hamutuk ho autoridade komunitária hodi hasa'e konsiénsia komidade kona-ba vasina, tantu iha facilidade saúde sira nomós iha komidade liu husi sensibilizasaun informasaun kona-ba benefísiu husi vasinasaun.
2. Presiza halo planu hodi hasa'e kobertura vasina liu husi implementasaun vasina iha suku no aldeia sira.
3. Presiza asegura implementa Protokolu saúde hanesan distánsia sosiál, fase liman no uza máskara iha fatin facilidade saúde no fatin iha komidade mak uza ba hodi halo atividade vasinasaun.
4. Hadi'a aproximasaun liu-liu fó konsulta ba ema sira mak atu vasina, nune'e bele fó korajen, ema sira mak simu vasina sei sai promotór hodi konta istória di'ak ba ema seluk atu partisipa simu vasina.
5. Asegura fatin mak assesivél, iha bee no sabaun ba fase liman, inklui hariis fatin hodi garante komidade sente seguru iha fatin vasinasaun.

**Dili, 26 Jullu 2021**

**Ami nia respeitu,**

**Daniel Santos do Carmo**

**Diretór Ezekutivu FONGTIL**